

**Sel Prestuhn  
Henry B. Eyring**

Mwet in Kahsruh Se Met  
ke Prestuhnsi Se Met



# El Moulyak

**S**ie fahkwack luhlalhfongi luhn ma pwacye ke Sifil Moulyak luhn Jisus Kraist pa sie kahsruh ke kwewana finsrak ac kampare. Ac kuh in sikyak nuh sin kuhtwena tuhlihku nuhtin God. Sikyak nuh sihk ke sie lwen in summer ke Jun 1969 ke ninac kiyuck ah misac, sikyak ohinge ke yac na fohn sac me, ac e fah oacna nwe ke nga sifil liyaclwack.

Suhpwacr ke kihtin fahsrwelihk sac sana aholyucklac ke engan. Yohk likina sie finsrak nuh ke sifil fahsrweni engan se. Ke srihpen Leum el fahkwack yohk sin mwet pahluh Lal uh ac ke srihpen Nguhn Muhtahl ahkkweyelah ma pwacye ke Sifil Moulyak nuh sihk, nga kuh in liye ke nuhnak luhk uh ohiyacn sifil ohsun yurin mwet ahknwacsnwacsyeyucklac ac moulyak kuht luhngse uh:

Pa inge elos suc ac fah tuhkuh nuh met ke sifil moulyak luhn mwet wo uh. . . .

Pa inge elos suc ine uh sihmlac inkuhsrao, ma God ac Kraist pa mwet nuhnunhkuh luhn mwet nuh kwewa.

Pa inge elos suc mwet wo oreklac suwohswohs sin Jisus mwet in ahkmihs luhn olweacng sasuc, suc orwacлах iwacлах fas se inge ke ahkkahkyelah srah Kacл sifacna (liye D&C 76:65, 68–69).

Ke srihpen Jisus Kraist el kuhnahoslah sucl in misac uh, tuhlihku nuh kwewa nuhtin Pahpah Lucng isuslac nuh facluh uh fah sifil moulyak ke sie mahno ma ac

tiac sifil misac. Oruh fahkwack luhlalhfongi luhk ac lowos ke ma pwacye wolacna sacn kuh in eslah ahsor ke wacngihnlac luhn mwet ke sucu kuh kawuck uh ac ahollah ke rahrah in engan ac nuhnak kuh.

Leum el use nuh sesr nohfohn mwe sang ke sifil moulyak, ma nguhsnar fihliyucki ke mahno wacngihn mahno suhfah la (liye Alma 11:42–44). Ninac kiyuck an fah ngwetngwet arlac fuhsr ac kahto, atac ke matwac ac yac ke kweok in mahno uh itucklac. Ma ingacn fah tuhkuh nuh sel ac nuh sesr oacna sie mwe sang.

Tuhsruhku kuhtuh sesr suc kena in weluhl ma pahpaht uh enenuh in orwacлах sulaclah in lwelah nuh ke wi sacn, in muhta ke acn ma Pahpah Lucng ac Wen Kuloh sifil moulyak Nahtuhl moul in wolacna we. Pa ingacn acn sefanna ma moul in sucu uh kuh in tuhtahflah nwe tok ma pahpaht uh. Sie fahkwack luhlalhfongi ke ma pwacye sacn ahkyohkyaclihku nuhnak luhk in lwelah nga sifacna ac mwet nga luhngse uh nuh ke luhpah fuhlwact se ke tohkohsrahi luhn celestial ke Iwacлах luhn Jisus Kraist uh orekma ke moul lasr uh (liye D&C 76:70).

Leum el use nuh sesr sie mwe kol ke sukok se inge nuh ke moul ma pahpaht ke pruhe in kuhfa luhn Leum ma kahsrweyuc ac kuh in kahsrwe kom uh. Suliyuck kuht in ahksasucye olweacng ke pacptais lasr ke miting ke kuhfa luhn Leum nuh kwewa.

Kuht olwelah in esam Mwet Lahngo lwen nuh kwewa. Akucl ke kihsackuhnlah Lal kahsrwe kuht in luhngse luhpah yohk ke ngal El kweokkihn in kuhtanglah misac, in use nuh sesr pahkomuhta, ac in sang nuhnak muhnahs ke ma koluk lasr nuh kwewa kuht fin sulaclah in auliyak.

Kuht olwelah in liyacacng masap Lal uh. Riti ma suhmuhsalah uh ac kabs luhn mwet pahluh mouh uh ac porongo mwet sramsram mokleyuck ke miting ke kuhfa luhn Leum ac ahkacsmakihnye kuht ke olweacng lasr in oruh oacna. Nguhn Muhtahl use nuh ke nuhnak lasr uh ac puhla masap ma kuht enenuh yohk emet in liyacacng ke lwen sac.

Ke pruhe ke kuhfa luhn Leum uh, God el olwelah in suhpwacma Nguhn Muhtahl in wi kuht (liye Moroni 4:3; 5:2; D&C 20:77, 79). Nga sokwack ke pacl sacn lah God el kuh in use nuh sihk ma puhlakihnyuck oacna sie lohngohk la sifacna uh. El use nuh ke acsmaklac luhk ma nga orwacnah ma ahkinsewowoyacl uh, enenuh luhk nuh ke auliyak ac nuhnak muhnahs, ac ine ac muhtuhn mwet El ac use ngan kuhlwasnsapuh nuh Sel.

Yac ekahsr somlah ah, puhlakihn kalweniyuck se ingacn ekuhllah finsrak uh nuh ke puhla ke luhngse pwacye ac use sie ahkpwacye lah pahkotwen uh utuckuh nuh sihk ke Iwacnah luhn Mwet Lahngo ac Sifil Moulyak sac.

Nga fahkwack luhlahlfongi lah Jisus pa Kraist moulyak, Mwet Lahngo lasr, ac srihkasrak wowo lasr ac kol nuh ke mouh ma pahptaht.

## LUTI KE PWENG SE INGE

Kuht enenuh in kapsra ma suhmuhsalah nuh kwewa nuh sesr, tuh in ma ac wo ac etwacack nuh sesr (liye 1 Nephi 19:23). Nuhnkuh in riti pruhe ke kuhfa luhn Leum an, sukokyak ke Doctrine and Covenants 20:76–79. Tukun riti luti lal Prestuhn Eyring ke pruhe ke kuhfa luhn Leum uh, kom ac luhngse in suli mwet kom luti an in nuhnkuh ke inkacnek ma pruhe inge kuh in kol mouh lalos ac kahsrwelos in fohlohk in sifil wi Pahpah Lucng ac Jisus Kraist muhta.

## MWET FUHSR

### Lohngohk Lom Sifacna yurin God.

**P**restuhn Eyring el luti lah ke kuht porongo pruhe ke kuhfa luhn Leum uh, kuht kuh in puhla lah kuht eis sie lohngohk la sifacna yurin God. Prestuhn Eyring el nuhnkuh ke acn tolu ten inge. Nuhnkuh in suhmuhsalah kihsen siyuck inge lun puk in sihm nuhtum an ac motko kaclos ke kais sie Sacnri ke mahlwem se inge. Ke kom motko ac eis puhlakihnyuck sin Nguhn Muhtahl, kom kuh pac in suhmuhsalah ke ma ingacn lun puk in sihm nuhtum an.

- Meac nga orwacnah ma ahkinsewowo God uh?
- Meac nga enenuh in auliyak kac kuh siyuck nuhnak muhnahs kac uh?
- Suc God el luhngse nga in kuhlwasnsapuh uh?



# Olweacng ke Tempuhl an

*Lutlutkihn kuhfa inge ac, ke pacl fal, sramsramkihn yurin tahmtahel ma kowos muhtwacta nuh yohroh an. Orekmakihn kihsen siyuck an in kahsrwe kowos ahkkweye tahmtahel wiyowos an ac in oruh Rilif Sosaiti in ip utuftuf se ke moul lowos sifacna an. Nuh ke kuhtuh pac ma in etuh, som nuh ke www.reliefsociety.lds.org.*

Luhlahlfongi, Sucu, Kahsruh

**E**los kahlwem kac lah akwuck in molwelah ma eisyuck ke tempuhl ma lwelah kuht in sie pacl fohlohk nuh yurin Pahpah Lucng pa inmahsrton sucu ma pahpaht ac in eis mwe sang muhtahl ke mwe in sewowo ac kuh lucng me oruh oasr srihpen kihsac nuhkweya ac srihke nuhkweya”<sup>1</sup> Prestuhn Thomas S. Monson el fahk. Kom fin soenna som nuh tempuhl, kom kuh in ahkolah in eis akwuck muhtahl lun tempuhl uh in:

- Luhlahlfongi ke Pahpah Lucng, Jisus Kraist, ac Nguhn Muhtahl.
- Ahkyohkye sie fahkwack luhlahlfongi ke Iwaclah luhn Jisus Kraist ac wosasuc fohlohkyak uh.
- Ahkkweyelah ac ukwe mwet pahluh moul.
- In fal nuh ke sie pwepuh in lwelah nuh tempuhl ke moliyacn sie tahfuh singucul, in nwacsnwacs in mahno, oruh in suwohs, moulkihn Kahs in Lahlmwetmwet, ac moul in engan ke luti luhn Alu uh.
- Sang pacl, talan, ac srihpac in kahsruh muhsahi tohkohsrahi luhn Leum.
- Wi orekma ke sramsram mahtuh luhn sucu.<sup>2</sup>

Prestuhn Monson el tahfwelah in luti, “Ke kuht esam olweacng kuht orwaclah lun [tempuhl uh], kuht fahkuhi liki met ah in us ma upac nuh kwewa ac in kuhtanglah kais sie mwe sruhf.”<sup>3</sup>

### Ke Ma Suhmuhsalah uh

Doctrine and Covenants 14:7; 25:13; 109:22

### Ke Sramsram Mahtuh Lasr

“Puhs liki Mwet Luhlahlfongi 5,000 tuhkwani ke Tempuhl Nauvoo tukun kihsaalah la ah. . . .

“Kuhiyac, kuh, ac mwe in sewowo ke olweacng lun tempuhl uh [ahkkweyelah] Mwet Luhlahlfongi ke Lwen-sahflah uh ke pacl in fuhfahsryucsr lalos nuh [rohtoh], ke elos [kweokkihn] ohu, faht, masrinsrwacl, suhkahsruh, mas, ongaiyac, ac misac uh.”<sup>4</sup>

Oacna tahmtahel puhs ke Rilif Sosaiti uh, Sarah Rich el kuhlwanacsap oacna sie mwet orekma ke tempuhl. El sruhmuhn ke ma el puhlahkihn: “Ac fin tiac ke luhlahlfongi ac etwacack ma utuckuh nuh sesr ke tempuhl sacn sin . . . Nguhn luhn Leum, fuhfahsryucsr lasr luhkuhn oacna in sie ma orek ke lohsr. . . .

Tuhsruhk oasr luhlahlfongi lasr sin Pahpah Lucng, . . . puhla ma kuht pa mwet sollac Lal uh . . . , ac sahayacn ahsor, kuht puhla enganwack lah lwen in moullac se lasr uh tuhkuh.”<sup>5</sup>

Tifoklac sac tiac sie “orekma fohs” nuh sin muhtwacn yohk Luhlahlfongi la ke Lwen-sahflah. Elos ahkkweyeyucklac ke olweacng ke tempuhl lalos..

### MWE KAHSRUH

1. Thomas S. Monson, “The Holy Temple—a Beacon to the World,” *Liahona*, May 2011, 92.
2. Liye *Daughters in My Kingdom: The History and Work of Relief Society* (2011), 21.
3. Thomas S. Monson, *Liahona*, May 2011, 93.
4. *Daughters in My Kingdom*, 29–30.
5. Sarah Rich, ke *Daughters in My Kingdom*, 30.

### Meac Nga Kuh In Oruh Uh?

1. Yac nga alu lun tempuhl pacl nuh kwewa?
2. Yac nga ahkkweye tahmtahel wiyuck uh in eis mwe in sewowo luhn tempuhl uh?

© 2013 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/12. Ahkkweyeyucklac ke lweng: 6/12. Lwenglah luhn Visiting Teaching Message, April 2013. Kosraean. 10664 868